



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU HRVATSKE NEZAVISNE LISTE

Broj: 03-07-6-336/19
Sarajevo, 20.03.2020. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI	5
5.2 PREPORUKE.....	6

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Hrvatske nezavisne liste za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2018. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2018. godinu, utvrđeno je da je Hrvatska nezavisna lista prekršila odredbe člana 11. stav (1) i člana 12. Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatske nezavisne liste za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2018. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska nezavisna lista se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	15.138,00	99,97
8.	Prihodi od propagande (3-g)	0,00	0,00
I	Ukupni prihodi (1-8)	15.138,00	99,97
II	Ostali prihodi i drugo	5,14	0,03
	Izvori finansiranja (I+II)	15.143,14	100,00

U godišnjem finansijskom izvještaju stranka je iskazala rashode u ukupnom iznosu od 49.416,71 KM.

2. PREDSTAVLJANJE POLITIČKE STRANKE

Naziv političke stranke je Hrvatska nezavisna lista. Skraćeni naziv je HNL.

Hrvatska nezavisna lista registrovana je kod Općinskog suda u Livnu, rješenjem broj: 068-0-F1-14-000-002 od 26.05.2014. godine.

Sjedište političke stranke je u Tomislavgradu, Brigada Kralja Tomislava bb.

Lice ovlašteno za zastupanje stranke je Josip Perić, predsjednik stranke.

Ovlašteno lice za finansijske izvještaje za 2018. godinu je Josip Perić.

Prema podacima iz godišnjeg finansijskog izvještaja za 2018. godinu, Hrvatska nezavisna lista ima sljedeću organizacionu strukturu:

-HNL-Središnji ured.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske nezavisne liste za 2018. godinu i finansijski izvještaj za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2018. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja

utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Hrvatske nezavisne liste obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta i troškove kampanje.

4. PRETHODNE KONTROLE I REVIZIJE

Pregled i kontrola finansijskih izvještaja Hrvatske nezavisne liste izvršeni su u periodu od 2014. od 2017. godinu, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2017. godinu, izdat je Izvještaj o pregledu sa mišljenjem revizora, nalazima i preporukama stranci: da ne prima zabranjene priloge, da poslovne knjige vodi u skladu sa računovodstvenim propisima, da uspostavi tačne evidencije o prihodima i obavezama stranke, da u finansijskom izvještaju iskaže koristi ostvarene od aktivnosti subjekata koji su na bilo koji način povezani sa strankom ili su pod njenom kontrolom i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2018. godinu, utvrđeno je da Hrvatska nezavisna lista nije ispoštovala sve preporuke.

5. NALAZI I PREPORUKE

5.1 NALAZI

Hrvatska nezavisna lista prekršila je odredbe člana 11. stav (1) i člana 12. Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

(1) Hrvatska nezavisna lista nije uspostavila pravilne evidencije o svojim rashodima i obavezama i nije popunila obrasce godišnjeg finansijskog izvještaja za 2018. godinu u skladu sa odredbama Pravilnika o godišnjim finansijskim izvještajima političkih stranaka-u daljem tekstu: Pravilnik, čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- Hrvatska nezavisna lista je u godišnjem finansijskom izvještaju i poslovnim knjigama rashode iskazala u većem iznosu za 14.000,00 KM u odnosu na ostvarene, čime je prekršila odredbe člana 21. i 22. Pravilnika.

Naime, stranka je uplaćeni novčani iznos takse za ovjeru prijave za učešće na Opštim izborima 2018. godine iskazala kao trošak takse u iznosu od 14.000,00 KM, iako su joj navedena sredstva u skladu sa Odlukom o povratu uplaćenog novčanog iznosa takse za ovjeru broj: 06-1-07-3-735/18 od 11.12.2018. godine, vraćena.

S obzirom da su uplaćena sredstva vraćena stranci, stranka po ovom osnovu nije ostvarila rashode, tako da iste nije trebala evidentirati u poslovnim knjigama i iskazati u godišnjem finansijskom izvještaju.

- Uvidom u dodatnu dokumentaciju koju je dostavila stranka, utvrđeno je da je stranka troškove zakupa kino dvorane za predizborni skup stranke u Tomislavgradu u iznosu od 250,00 KM iskazala u obrascu

4.1 (režijsko-administrativni i ostali troškovi) godišnjeg finansijskog izvještaja, čime je prekršila odredbe čl. 21, 22. i 23. Pravilnika.

- Hrvatska nezavisna lista nije u obrascu 5 (obaveze) iskazala obaveze na dan 31.12.2018. godine, čime je prekršila odredbe člana 24. Pravilnika.

Prema podacima iz Bilansa stanja na dan 31.12.2018. godine i Bruto bilansa-analitike za period 01.01. do 31.12.2018. godine, ukupne obaveze stranke iznosile su 29.143,86 KM, od čega su obaveze prema dobavljačima 1.333,88 KM. Stranka je u Bruto bilansu iskazala i obaveze po žiro-računu iz prethodne godine u iznosu od 27.809,98 KM, što nije u skladu sa knjigovodstvenim načelima.

Uvidom u izvještaje o pregledu finansijskih izvještaja Hrvatske nezavisne liste za 2016. i 2017. godinu, utvrđeno je da je Hrvatska nezavisna lista i u poslovnim knjigama za 2016. i 2017. godinu iskazala obaveze po žiro-računu iz prethodne godine u iznosu od 27.809,98 KM, te da je navedenu obavezu u poslovnim knjigama iskazala suprotno knjigovodstvenim načelima i računovodstvenim propisima.

- (2) Uvidom u službene evidencije, utvrđeno je da je Hrvatska nezavisna lista postizborni finansijski izvještaj-Opšti izbori 2018. godine dostavila dana 18.12.2018. godine, tj. nakon zakonom propisanog roka, što je suprotno odredbama člana 12. stav (3) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine¹.

- (3) Hrvatska nezavisna lista je u skladu sa odredbom člana 12. stav (2) Zakona o finansiranju političkih stranaka² imala obavezu da u godišnji finansijski izvještaj uključi koristi ostvarene od aktivnosti udruženja „Hrvatski narodni sabor Bosne i Hercegovine“, koje je povezano sa političkom strankom, jer je stranka članica ovog udruženja³.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM⁴ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH stranka je u svrhu izborne kampanje mogla da potroši 217.305,73 KM.

Hrvatska nezavisna lista je u godišnjem finansijskom izvještaju za 2018. godinu iskazala troškove kampanje u iznosu od 14.460,76 KM⁵.

¹ Politička stranka i nezavisni kandidat koji učestvuju na izborima za organe vlasti Bosne i Hercegovine na svim nivoima dužni su, Centralnoj izbornoj komisiji BiH, u roku od trideset dana od dana objavljivanja izbornih rezultata u Službenom glasniku BiH, podnijeti finansijski izvještaj za period od dana podnošenja prijave za ovjeru za izbore do dana ovjere rezultata izbora (postizborni finansijski izvještaj). U skladu sa odredbom člana 15.1 stav (1) Izbornog zakona BiH, krajnji rok za dostavu postizbornog izvještaja za Opšte izbore 2018. godine bio je 06.12.2018. godine.

² Politička stranka obavezna je u svom izvještaju uključiti sve koristi ostvarene od aktivnosti subjekata koji su na bilo koji način povezani sa političkim strankama ili su pod njenom kontrolom.

³ Hrvatski narodni sabor Bosne i Hercegovine kao udruženje promoviše političke stranke i njene članove, učestvuje u provođenju izborne kampanje i kreira programe koji su bitni samo političkim strankama, članicama ovog udruženja.

⁴ Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

⁵ Stranka je obrascu 4.2 (troškovi propagande) iskazala troškove u iznosu od 14.210,76 KM, dok je u obrascu 4.1 (režijsko-administrativni i ostali troškovi) iskazala troškove zakupa kino dvorane u iznosu od 250,00 KM.

5.2 PREPORUKE

Preporučuje se Hrvatskoj nezavisnoj listi da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi pravilne evidencije o prihodima i rashodima, odnosno da vodi poslovne knjige u skladu sa računovodstvenim propisima,*
- *da finansijske izvještaje koje podnosi Centralnoj izbornoj komisiji Bosne i Hercegovine dostavlja u zakonom propisanim rokovima i popunjava u skladu sa Pravilnikom o godišnjim finansijskim izvještajima političkih stranaka i*
- *da u finansijskom izvještaju iskaže koristi ostvarene od aktivnosti subjekata koji su na bilo koji način povezani sa strankom ili su pod njenom kontrolom.*

KOMENTAR:

U ostavljenom roku, Hrvatska nezavisna lista nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2018. godinu.

Šef Odsjeka za revizijske poslove, revizor

Sanja Tošović

Šef Službe za reviziju

Mr.sc Hasida Gušić